

## Tabell 1-k

### Rammetilskot til kommunane 2018

Kommunane sitt rammetilskot blir løyvd over kap. 571, post 60–67 på statsbudsjettet. Samla rammetilskot i alt er vist i kolonne 8. Dette omfattar ikkje midlar løyvd på kap. 571, post 21 *Spesielle driftsutgifter*.

Innbyggjartilskotet med utgiftsutjamning er berekna ut ifrå talet på innbyggjarar per 1. juli 2017. Skatteutjamninga blir gjort gjennom budsjettåret, etter kvart som skatteinntektene ligg føre. I skatteutjamninga blir det nytta innbyggjartal per 1. januar 2018, og rammetilskotet til kvar einskild kommune blir justert i høve til skatteutjamninga. Endeleg skatteutjamning er ikkje klar før i februar 2019 og er såleis ikkje med i utrekninga av rammetilskotet i denne tabellen. Endeleg rammetilskot blir altså først klart i februar 2019.

#### Kolonne 1 – Innbyggjartilskot (post 60)

Kolonne 1 viser innbyggjartilskotet medrekna utgiftsutjamning, tilskot med særskild fordeling og inntektsgarantiordninga. Midlar til fordeling gjennom året er inkludert i landssummen. For meir detaljert dokumentasjon av innbyggjartilskotet, sjå tabell 2-k.

#### Kolonne 2 – Distriktstilskot Sør-Noreg (post 61)

Kolonne 2 viser distriktstilskot Sør-Noreg. Tilskotet er dokumentert nærare i tabell D-k. Tilskotet skal vareta kommunar i Sør-Noreg med ei svak samfunnsmessig utvikling. Tildeling av distriktstilskot Sør-Noreg tek utgangspunkt i distriktsindeksen, som er eit uttrykk for graden av distriktsutfordringar i ein kommune. Indeksen byggjer på indikatorar som sentralitet, reiseavstand, befolkningstettleik, befolkningsstruktur og -utvikling, status for arbeidsmarknaden og inntektsnivå (for nærare omtale sjå [regjeringen.no/KMD](http://regjeringen.no/KMD)).

Tilskotet blir tildelt kommunar i Sør-Noreg som;

- har under 3 200 innbyggjarar, eller ein distriktsindeks på 46 eller lågare,
- har hatt ei gjennomsnittleg skatteinntekt dei siste tre åra som er lågare enn 120 pst. av landsgjennomsnittet (målt per innbyggjar), og
- ikkje får distriktstilskot Nord-Noreg.

Kommunar med færre enn 3 200 innbyggjarar får eit tilskot per kommune. Satsane varierer etter verdien på distriktsindeksen. Kommunar med distriktsindeks på 35 eller lågare får tilskot etter høgaste sats. Kommunar med ein høgare verdi på distriktsindeksen får tilskot etter lågare sats, slik at kommunar med distriktsindeks over 46 får halvparten av den høgaste satsen.

For kommunar med 3 200 innbyggjarar eller meir blir tilskotet gjeve med ein sats per kommune og ein sats per innbyggjar. Kommunar med distriktsindeks på 35 eller lågare får tilskot per kommune og per innbyggjar med høgaste sats. Kommunar med høgare verdi på indeksen får tilskot med høvesvis 80, 60, 40 og 20 pst. av den høgaste satsen.

Tilskotet blir rekna ut ifrå talet på innbyggjarar per 1. januar 2017 og distriktsindeksen for 2016. Satsane for 2018 er ikkje prisjusterte.

*Satsar for distriktstilskot Sør-Noreg 2018:*

| Kommunar med 3 200 innbyggjarar eller meir |                             |                              | Kommunar med under 3 200 innbyggjarar |
|--|-----------------------------|------------------------------|---------------------------------------|
| Distriktsindeks                            | Sats per kommune (1 000 kr) | Sats per innbyggjar (kroner) | Sats per kommune (1 000 kr)           |
| Indeks 0–35                                | 1 201                       | 1 087                        | 5 543                                 |
| Indeks 36–38                               | 961                         | 870                          | 4 990                                 |
| Indeks 39–41                               | 721                         | 652                          | 4 435                                 |
| Indeks 42–44                               | 480                         | 435                          | 3 881                                 |
| Indeks 45–46                               | 240                         | 218                          | 3 326                                 |
| Indeks over 46                             | 0                           | 0                            | 2 772                                 |

### Kolonne 3 – Distriktstilskot Nord-Noreg (post 62)

Kolonne 3 viser distriktstilskot Nord-Noreg i 2018.

Tilskotet blir gjeve med eit kronebeløp per innbyggjar til alle kommunane i Nord-Noreg og Namdalen. Satsen er differensiert mellom fylka. Småkommunetillegget til kommunar med færre enn 3 200 innbyggjarar i Nordland, Namdalen og Troms (utanfor tiltakssona) blir gjeve etter dei same kriteria og satsane som distriktstilskot Sør-Noreg. Kommunar i Finnmark og tiltakssonen i Nord-Troms får småkommunetillegg etter ein høgare sats.

Tilskotet blir rekna ut ifrå talet på innbyggjarar per 1. januar 2017 og distriktsindeksen for 2016. Satsane for 2018 er ikkje prisjusterte.

*Satsar for distriktstilskot Nord-Noreg 2018:*

| Til alle kommunar i Nord-Noreg og Namdalen, satsar per innbyggjar |   |   |
|---|---|---|
| Kommunar i:   | Sats per innbyggjar (kroner)                                |   |
| Nordland og Namdalen  | 1 710   |   |
| Troms (utanfor tiltakssona)                                       | 3 279   |   |
| Tiltakssona i Troms   | 3 864   |   |
| Finnmark  | 8 008   |   |
| Småkommunetillegg til kommunar med under 3200 innbyggjarar        |   |   |
| Distriktsindeks   | Småkommunetillegg per kommune, kommunar utanfor tiltakssona | Småkommunetillegg per kommune, kommunar i tiltakssona |
| Indeks 0–35   | 5 543   | 12 005  |
| Indeks 36–38  | 4 990   | 10 804  |
| Indeks 39–41  | 4 435   | 9 605   |
| Indeks 42–44  | 3 881   | 8 404   |
| Indeks 45–46  | 3 326   | 7 203   |
| Indeks over 46  | 2 772   | 6 003   |

#### Kolonne 4– Regionsentertilskot (post 65)

Regionsentertilskotet blir tildelt kommunar der det er fatta eit nasjonalt vedtak om samanslåing i perioden for kommunereforma, og som etter samanslåing får over om lag 8 000 innbyggjarar.

Regionsentertilskotet er berekna for den nye, samanslåtte kommunen, men blir utbetalt til kvar einskild kommune i samanslåinga ut frå kommunens del av innbyggjarane i den nye kommunen. Tilskotet blir fordelt dels med ein sats per innbyggjar og dels med ein sats per samanslåing. Satsane er sette slik at 40 pst. av det samla tilskotet blir fordelt med ein lik sats per innbyggjar, medan 60 pst. er fordelt med ein lik sats per samanslåing. I 2018 er satsen per samanslåing 3,158 mill. kroner, og satsen per innbyggjar er 66 kroner.

Tabellen under viser utrekninga av regionsentertilskotet for kvar einskild samanslåing:

| Ny kommune                                  | Region-senter-tilskot, fordelt per samanslåing (1000 kr) | Region-senter-tilskot, fordelt per innbyggjar (1000 kr) | Region-senter-tilskot 2018, tilskot per samanslåing (1000 kr) |
|---|--|---|---|
| Hobøl, Askim, Spydeberg, Eidsberg, Trøgstad | 3 158  | 2 896   | 6 053   |
| Rygge, Moss                                 | 3 158  | 3 182   | 6 340   |
| Rømskog, Aurskog-Høland                     | 3 158  | 1 113   | 4 271   |
| Oppegård, Ski                               | 3 158  | 3 812   | 6 970   |
| Røyken, Asker, Hurum                        | 3 158  | 6 091   | 9 249   |
| Svelvik, Drammen, Nedre Eiker               | 3 158  | 6 591   | 9 749   |
| Holmestrand, Sande                          | 3 158  | 1 555   | 4 713   |
| Larvik                                      | 3 158  | 3 077   | 6 235   |
| Sandefjord                                  | 3 158  | 4 099   | 7 257   |
| Færder                                      | 3 158  | 1 763   | 4 921   |
| Tønsberg, Re                                | 3 158  | 3 596   | 6 754   |
| Bø, Sauherad                                | 3 158  | 698   | 3 856   |
| Audnedal, Lyngdal                           | 3 158  | 684   | 3 842   |
| Sandnes, Forsand                            | 3 158  | 5 072   | 8 230   |
| Fjell, Sund, Øygarden                       | 3 158  | 2 457   | 5 615   |
| Os, Fusa                                    | 3 158  | 1 589   | 4 747   |
| Radøy, Lindås, Meland                       | 3 158  | 1 909   | 5 066   |
| Odda, Ullensvang, Jondal                    | 3 158  | 761   | 3 919   |
| Førde, Jølster, Gaular, Naustdal            | 3 158  | 1 445   | 4 603   |
| Volda, Hornindal                            | 3 158  | 681   | 3 839   |
| Fræna, Eide                                 | 3 158  | 872   | 4 030   |
| Molde, Midsund, Nesset                      | 3 158  | 2 106   | 5 264   |
| Ålesund, Sandøy, Skodje, Ørskog, Haram      | 3 158  | 4 277   | 7 435   |
| Orkdal, Agdenes, del av Snillfjord, Meldal  | 3 158  | 1 189   | 4 347   |
| Indre Fosen                                 | 3 158  | 668   | 3 826   |
| Namsos, Namdalseid, Fosnes                  | 3 158  | 1 009   | 4 167   |
| Steinkjer, Verran                           | 3 158  | 1 618   | 4 776   |
| Hammerfest, Kvalsund                        | 3 158  | 764   | 3 921   |
| Lenvik, Tranøy, Berg, Torsken               | 3 158  | 996   | 4 154   |

| Ny kommune                         | Region-<br>senter-<br>tilskot,<br>fordelt<br>per<br>samanslåing<br>(1000 kr) | Region-<br>senter-<br>tilskot,<br>fordelt per<br>innbyggjar<br>(1000 kr) | Region-<br>senter-<br>tilskot 2018,<br>tilskot per<br>samanslåing<br>(1000 kr) |
|------------------------------------|--|--|--|
| Skedsmo, Fet, Sørum                | 3 158  | 5 452  | 8 610  |
| Mandal, Marnardal, Lindesnes       | 3 158  | 1 511  | 4 669  |
| Voss, Granvin                      | 3 158  | 1 021  | 4 179  |
| Flora, Vågsøy                      | 3 158  | 1 192  | 4 349  |
| Sogndal, Balestrand, Leikanger     | 3 158  | 764  | 3 922  |
| Eid, Selje                         | 3 158  | 585  | 3 743  |
| Ørland, Bjugn                      | 3 158  | 668  | 3 826  |
| Vikna, Nærøy, Leka, Bindal         | 3 158  | 767  | 3 925  |
| Narvik, Ballangen, del av Tysfjord | 3 158  | 1 470  | 4 628  |
| <b>Sum</b>                         | <b>120 000</b>   | <b>80 000</b>  | <b>200 000</b>   |

### Kolonne 5 – Veksttilskot (post 66)

Veksttilskotet er eit tilskot til kommunar med særleg høg befolkningsvekst. Tilskotet er grunngeve med at kommunar med høg folkevekst på kort og mellomlang sikt kan ha vanskar med å tilpasse tenestetilbodet til ei veksende befolkning. Det kan vere problematisk å finansiere dei nødvendige investeringane utan at det verkar inn på tenestetilbodet.

Veksttilskotet blir gjeve til kommunar som har hatt ein gjennomsnittleg årleg befolkningsvekst over vekstgrensa dei siste tre åra. Vekstgrensa er ført vidare på 1,4 pst. for 2018. I tillegg må kommunane ha skatteinntekter under 140 pst. av landsgjennomsnittet dei siste tre åra (målt per innbyggjar) for å få tilskotet. Veksttilskotet blir gjeve som eit fast beløp per nye innbyggjar ut over vekstgrensa. Satsen for 2018 er 57 191 kroner. Grunnlaget for utrekninga er dokumentert nærare i tabell D-k.

### Kolonne 6 – Storbytilskot (post 67)

Storbytilskotet går til kommunane Oslo, Bergen, Trondheim, Stavanger og Kristiansand. Tilskotet blir fordelt med eit likt beløp per innbyggjar. Satsen per innbyggjar for 2018 er 361 kroner.

### Kolonne 7 – Skjønstilskot fordelt av fylkesmannen (post 64)

Kolonne 7 viser skjønstilskot fordelt av fylkesmannen for 2018. I tillegg er det vist fylkesvise rammer for skjønstilskot til fordeling gjennom året.

### Kolonne 8 – Rammetilskot 2018

Kolonne 8 viser rammetilskotet for 2018 (sum av kol. 1–7). Midlar til fordeling gjennom året er inkludert i landssummen.